





Republika e Kosovës
Republika Kosovo / Republic of Kosovo
Kuvendi i Komunës Rahovec
Skupština Opštine Orahovac / Municipal Assembly of Rahovec



Këshilli i fshatit Hoçë e Madhe

	REPUBLIKA E KOSOVËS / REPUBLIKA KOSOVO / REPUBLIC OF KOSOVO KUVENDI I KOMUNËS / SKUPŠTINA OPŠTINE / MUNICIPAL ASSEMBLY	
RAHOVEC / ORAHOVAC		
Njësia Nr./Br./No 01 (Kuvendi i Komunës)		
Nr./Br./No <u>0123</u> Nr. i faq./Br.str./No.pg <u>15</u>		
Data/Datum/Date <u>30.01.2023</u>		

**Raporti vjetor i punës së Këshillit të fshatit
Hoçë e Madhe**

Janar 2023

Përmbajtja

Raporti vjetor i punës së Këshillit të fshatit Hoçë e Madhe	1
Hyrje:.....	3
Themelimi i Këshillit të fshatit Hoçë e Madhe:.....	3
Puna e këshillit të fshatit Hoçë e Madhe:	4
Mbledhja e parë konstituive është mbajtur me 14. Korrik 2022, me këtë rend dite:	4
Mbledhja e dytë e rregullt është mbajtur 03. Gusht 2022, me këtë rend dite:	4
Mbledhja e tretë urgjente është mbajtur me 01. Shtator 2022, me këtë rend dite:	4
Mbledhja e katër e rregullt është mbajtur me 05. Tetor 2022, me këtë rend dite:	5
Mbledhja e pestë e rregullt është mbajtur me 03. Nëntor 2022, me këtë rend dite:	5
Mbledhja e gjashtë e rregullt është mbajtur me 01. Dhjetorë 2022, me këtë rend dite:	6
Përfundimi:	6

Hyrje:

Këshilli për fshatin Hoçë e Madhe është këshill i cili themelohet nga ana e Kuvendit të Komunës së Rahovecit duke u bazuar në Ligjin Nr. 04/L-62 për fshatin Hoçë e Madhe si dhe Udhëzimin e Administrativë Nr. 11/2014 për themelimin, zgjedhjen, përgjegjësit dhe funksionimin e Këshillit për fshatin Hoçë e Madhe.

Qëllimi i themelimit të Këshillit për fshatin Hoçë e Madhe është në radhë të parë thellimi i bashkëpunimit të institucioneve lokale dhe atyre qendrore me qëllim të lehtësimit dhe ofrimit të mundësive sa më të mira në provimin e monumenteve kulturore, fetare, brenda zonës së veçant të mbrojtur. Po ashtu qëllimi i miratimit të ligjit Nr. 04/L-62 është përcaktimi i rregullave për mbrojtjen, administrimin dhe zhvillimin bashkëkohor i fshatit Hoçë e Madhe.

Themelimi i Këshillit të fshatit Hoçë e Madhe:

Këshilli për fshatin Hoçë e Madhe themelohet nga ana e Kuvendit të Komunës së Rahovecit duke i respektuar dispozitat Ligjore të Ligjit Nr. 04/L-62 për fshatin Hoçë e Madhe si dhe dispozitat e Udhëzimit e Administrativë Nr. 11/2014 për themelimin, zgjedhjen, përgjegjësit dhe funksionimin e Këshillit për fshatin Hoçë e Madhe.

Procesi i zgjedhjes së anëtarëve të ri të Këshillit të fshatit Hoçë e Madhe është iniciuar dhe përfunduar nga ana e Kuvendit të Komunës në mbledhjen e mbajtur me datë 31.05.2022, duke nxjerr Vendim nr 328/22 me të cilin janë emëruar anëtarë të ri të këtij Këshilli dhe të cilët do të shërbejnë me kohëzgjatje si mandati i anëtarëve të ri të Kuvendit të Komunës së Rahovecit.

Pas përfundimit të procesit të zgjedhjes dhe emërimit të anëtarëve të ri të Këshillit gjegjësisht themelimit të Këshillit të fshatit Hoçë e Madhe, Kryesuesi i Kuvendit fton anëtarët e ri në mbledhje me qëllim të themelimit, zgjedhjes dhe informimit të kryesuesit për punën dhe përkrahjen në vazhdimësi të institucioneve lokale dhe qendrore.

Puna e këshillit të fshatit Hoçë e Madhe:

Pas themelimit dhe mbledhjes së parë konstituive, Këshilli i fshatit në krye me kryesuesin e Këshillit të fshatit organizon mbledhje me qëllim të shqyrtimit të kërkesave të anëtarëve të Këshillit apo të institucioneve dhe qytetarëve në fushën e planifikimit, mbrojtjes, promovimit të monumenteve historike e kulturore në zonën e veçantë të mbrojtur të fshatit Hoçë e Madhe.

Në periudhën kohore 14. Korrik deri me 01. Dhjetor janë mbajtur gjithsej 6 mbledhje dhe atë: 1. Mbledhje konstituive, 1 mbledhje urgjente dhe 4 mbledhje të rregullta.

Mbledhja e parë konstituive është mbajtur me 14. Korrik 2022, me këtë rend dite:

1. Emërimi i Kryesuesit të Këshillit për fshatin Hoçë e Madhe.

Këtë mbledhje e Kryesoi Kryesuesi i Kuvendit i cili fillimisht ju uroj anëtarëve të ri pranimin e detyrës së re dhe pas konstatimit të kuorimit vazhdoj me procesin e propozimit dhe përzgjedhjes së Kryesuesit të Këshillit për fshatin Hoçë e Madhe.

Gjatë këtij procesi, të pranishmit propozuan dhe në mënyrë unanime zgjedhën kryesuesin e Këshillit z. **Bojan Nakallamiq**, ndërsa për zëvendës kryesues është propozuar dhe zgjedhur z. **Miroslav Llukiq**.

Mbledhja e dytë e rregullt është mbajtur 03. Gusht 2022, me këtë rend dite:

1. Zgjidhja e çështjes së punësimit të punëtorit të riadministrativ pran zyrës së Këshillit të fshatit Hoçë e Madhe
2. Të ndryshme.

Mbledhjen e kryesoi Kryesuesi i mbledhjes, i cili konstatoj kuorumin, prezantoi dhe aprovoi rendin e ditës, më pastaj kaloi tek pika e parë e rendit të ditë nga e cila u arrit pajtimi i të gjithë anëtarëve të Këshillit që me kërkesë t'ju drejtohen Kryetarit të komunës (ekzekutivit) dhe Kryesuesit të Kuvendit të Komunës (legjislativit) me qëllim të zgjedhjes, emërimit të administratorit të zyrës i cili do ti kryej të gjitha punët e nevojshme administrative për funksionimin sa më të mirë të vetë Këshilli.

Mbledhja e tretë urgjente është mbajtur me 01. Shtator 2022, me këtë rend dite:

1. Shqyrtimi i mjeteve të parapara në kuadër të Kornizës Afatmesme Buxhetore, për zyrën e Këshillit të fshatit Hoçë e Madhe.
2. Të ndryshme

Kjo mbledhje është ftuar dhe kryesuar me urgjencë nga ana e Kryesuesit të Këshillit për fshatin Hoçë e Madhe me qëllim të shqyrtimit dhe destinimit të mjeteve të ndara për funksionimin e zyrës dhe realizimit të aktiviteteve të nevojshme të Këshillit. Gjatë mbledhjes anëtarët janë pajtuar dhe kanë rekomanduar që Drejtorisë për Financa dhe Buxhet ti ofrohet plani i shpenzimeve të mjeteve financiare, në formë të tabelarit, ku janë të parapara dhe të caktuara shpenzimet e mjeteve për funksionimin e zyrës dhe realizimit të aktiviteteve të Këshillit.

Mbledhja e katër e rregullt është mbajtur me 05. Tetor 2022, me këtë rend dite:

1. Shqyrtimi dhe miratimi i procesverbalit të mbledhjes së kaluar.
2. Shqyrtimi i projekteve infrastrukturore në fshatin Hoçë e Madhe.
3. Të ndryshme.

Kjo mbledhje e rregullt është ftuar me qëllim të identifikimit të hapësirave pranë monumenteve kulturore e historike, hapësira këto të cilat kanë nevojë për intervenime infrastrukturore me qëllim të ofrimit të qasjes sa më të mirë pranë monumentit. Gjatë shqyrtimit të kësaj pike, anëtarët janë pajtuar dhe kanë konstatuar që është më se i nevojshëm bashkëpunimi i denjë me të gjitha institucione relevante në hartimin e planit të konservimit i cili në hollësi do ti parasheh investimet e nevojshme në hapësirat e caktuara brenda zonës së veçantë të mbrojtur.

Mbledhja e pestë e rregullt është mbajtur me 03. Nëntor 2022, me këtë rend dite:

1. Shqyrtimi dhe miratimi i procesverbalit të mbledhjes së kaluar,
2. Shqyrtimi i projekteve ideore nga fusha e trashëgimisë kulturore,
3. Të ndryshme.

Kryesuesi i mbledhjes, pas aprovimit të rendit të ditës dhe procesverbalit të mbledhjes së kaluar, nga të pranishmit ka kërkuar sqarime shtesë lidhur me iniciativën dhe procesin e shqyrtimit të projekteve ideore në fushën e konservimit, mbrojtjes dhe promovimit të trashëgimisë kulturore e historike në fshat. Gjatë kësaj mbledhje zyrtari i OSBE-së është shprehur i gatshëm që të organizohet një seminar i cili do ti mundësoj anëtarëve të ri të Këshillit që të informohen për kompetencat e anëtarëve dhe funksionimin sa më të mirë të Këshillit.

Mbledhja e gjashtë e rregullt është mbajtur me 01. Dhjetorë 2022, me këtë rend dite:

1. Shqyrtimi dhe miratimi i procesverbalit të mbledhjes së kaluar.
2. Konkluzionet lidhur me seminarin e organizuar nga OSBE -ja,
3. Të ndryshme.

Kjo mbledhje është ftuar me qëllim të informimit të anëtarëve të Këshillit të cilët nuk kanë marr pjesë në seminarin e organizuar. Gjatë mbledhjes, të gjithë anëtarë të Këshillit e falënderuan OSBE-në për përkrahjen e ofruar dhe shprehën nevojën për mbajtjen e seminareve dhe trajnimeve të cilët e sqarojnë kompetencat dhe rolin e tyre si anëtarë.

Përfundimi:

Roli i Këshillit për fshatin Hoçë e Madhe është promovimi, mbrojtja si dhe konservimi i monumenteve kulturore e fetare brenda zonë së veçantë të mbrojtur, e cila përkufizohet në Ligjin Nr. 03/L-039/2008 për Zonat e Veçanta të Mbrojtura.

Në këtë drejtim ne si anëtarë të zgjedhur të Këshillit për fshatin Hoçë e Madhe shprehim gatishmëri dhe jemi të hapur për bashkëpunim me të gjithë institucione çofshin ato lokale apo ato qendrore, duke ofruar i të gjitha informatat dhe rekomandimet e nevojshme me qëllim promovimit të monumenteve kulturore historike e fetare si dhe zhvillim ekonomikë e turistik në nivel të komunës.

Në fund shfrytëzojmë rastin të falënderojmë të gjithë për kontributin, bashkëpunim dhe ndihmë e dhënë në realizimin e qëllimeve tona si Këshill.

KUVENDI I KOMUNËS NË RAHOVEC

**01Nr.15/23
Datë: 30.01.2023**

